

A2^r

Dem vefsten vñ fürnemen Gabriel Wei-
 dacher/ derzeit verwefer des Bawmaifter ampts vnfer
 frauen kirchen zů Schwatz/ feinem günstigen
 lieben herren vnd alten freünd/ erbeüt
 Petrus Tritonius/ den man
 nennet Treibnraiff/
 fein willigen
 dienft.

Freüntlicher lieber Weidacher/ eüch ift wol wiffend/ di-
 fes wort Philofophus vilen menfchen vnangem vnd heß
 lich fein/ die nitt wiffen fein außlegung / dañ es ainen lieb
 haber der weißhait bedeüt welches worts fich Pythagoras
 zům erften gebraucht / der nit wolt/ als feine vorderen/ ain
 weifer gehaiffen werden. Jr wiffen auch das feind zwayer-
 lay Philofophi. Die erften vnd beften/ die got den fun(der
 die ewig weißhait ift gots feines vatters)liebhaben/ vñ fein
 leer zů hertzen nemē. Die andern/ die fich üben in der erkant
 nuß dernatürlichen wirkung/ in den fitten der menfchen/
 vnd in gůten künften/ vnder welchen fůrtreflich waren vil
 auß den Haiden. Damit aber ain klainer bericht gethon
 werd ettlichen groben menfchen/ was dife Philofophi für
 leüt gewefen/ hab ich durch anzaigung Democriti/ der bey
 vierhundert vnd viertzig jaren vor Chriffti geburt(als Eu
 febius im bůch De tempore anzaigt)gelebt hat/ zůuerfteen
 geben wóllen/ die andern nach jm zůermeffen / dañ jn allen
 hat mißfallen die torhait/ vnwiffenhait/ vngelirnikait/
 trutzige verftockung/ vñ überige forgfeltigkait des gemai-
 nen volcks/ dem fy zů ainem gůten rúwigen fridlichen le-
 ben gern hetten geholffen. Vmb welches fy wenig beffern
 lon/ dañ verachtung/ verpottung/ vñ zůzeiten gefárlich-
 hait ires lebens/ daruon bracht habñ. Difes aber Democri
 ti wesen vñ leben ift am baften zůerkennen auß der Epiftel
 a ij

A2^v

Hipocratis/ welche epiftel etwan langft auß Kriechifcher
fprach zu Latein gebracht/ hab ich geftern in Teütlich ge-
macht/ vñ eüch die zugefchriben/ als dem/ der ain befonder
berfchirmer ift des Philofophifchen namens/ wider die lieb
haber der torhait/ vnd feind der weißhait/ dañ kain mittel
ift/ ain yeder hat aintweder lieb die weißhait/ oder die tor-
hait/ vnd welchem das ain liebet/ der haffet das ander. Die
ander vrfach/ das ir(wie difer Democritus)aller torlicher
red vñ hendel maifterlich lachen künden. Damit was eüch
lieb ift. Geben zu Schwatz am xxvi. tag Semptembris im
M. D. xxi. jar.